




ԷԿՈՒՄԵՆԻԿ

ԿՅԱՆՔ

ԵԿԵՂԵՑԻՆԵՐԻ ՀԱՄԱԾԽԱՐՀԱՅԻՆ ԽՈՐՀՐԴԻ ԿԵՆՏՐՈՆԱԿԱՆ ԿՈՄԻՏԵԻ ՏԱՐԵԿԱՆ ՆՍՏԱԾՐՁԱՆԸ ԺՆԵՎՈՒՄ

Օգոստոսի 10—28 օրերին Ժնևի Ե.Հ.Խ.-ի կենտրոնում տեղի ունեցավ Կենտրոնական կոմիտեի տարեկան նստաշրջանը:

Սույն նստաշրջանին մասնակցեցին հայ եկեղեցու կողմից տ. Ծաֆե արքեպ. Աճեմյանը և տ. Արսեն եպ. Բերբերյանը, որոնք Ե.Հ.Խ.-ի Նալբանդյանի հիմնադրոթի համաժողովում ընտրվել էին Կենտրոնական կոմիտեի անդամ:

Ե.Հ.Խ.-ի Կենտրոնական կոմիտեի սույն առաջին նստաշրջանին մասնակցում էին շուրջ 300 հոգի, որոնցից 130-ը Ե.Հ.Խ.-ի Կենտրոնական կոմիտեի անդամներ էին, իսկ մնացածները՝ խորհրդականներ, հյուրեր, դիտորդներ, մամուլի ներկայացուցիչներ:

Օրակարգի հարցերն էին.

1. Ե.Հ.Խ.-ի առաջիկա յոթ տարիների գործունեության ծրագրի մշակում և հաստատում.

2. Ֆինանսական միջոցների հայթայթում.

3. Մարդու իրավունքների պաշտպանության հարց.

4. Տեղական եկեղեցիների զորացում:
Լիագումար միստից հետո ժողովականները բաժանվեցին առանձին խմբերի, որոնք քննարկեցին օրակարգի հարցերը՝ մասնավոր կարևորությամբ, ընդունվեցին համապատասխան որոշումներ, որոնք վերջում բերվեցին լիագումար միստին ի հաստատություն:

Սեպտեմբերի 7-ին տ. Արսեն եպ. Բերբերյանը Գերագույն հոգևոր խորհրդի միստում հանգամանորեն զեկուցեց Ե.Հ.Խ.-ի Կենտրոնական կոմիտեի վերոհիշյալ նստաշրջանի աշխատանքների մասին:

Գերագույն հոգևոր խորհուրդն ի տեղեկություն ընդունեց տ. Արսեն եպիսկոպոսի զեկուցումը և իր գնահատությունն արձանագրեց տ. Ծաֆե և տ. Արսեն սրբազանների աշխատանքները Ե.Հ.Խ.-ի օգոստոսյան միստի մասնակցության առիթով:

ԱՄՆ-Ի ԵՊԻՍԿՈՊՈՍԱԿԱՆ ԵԿԵՂԵՑՈՒ ՆԵՐԿԱՅԱՑՈՒՑԻՉՆԵՐԸ ՄԱՅՐ ԱԹՈՒՈՒՄ

Ս/թ. օգոստոսի 4-ին, երկօրյա ոչ պաշտոնական այցով, Մայր Աթոռ ժամանեցին

ԱՄՆ-ի եպիսկոպոսական եկեղեցու ներկայացուցիչներ Լոնգ Ալլենի եպիսկոպոս

Զոնաթան Երմանը, Դալլաս Տեխասի քորեպիսկոպոս Ռոբերտ Տերվիլիգերը, նույն եկեղեցու Էկումենիկ բաժնի պատասխանատու աշխատակից դոկտ. Վիլյամ Նորգրենը և խորհրդական դոկտ. Պոլ Անդերսոնը: Բարձրաստիճան հյուրերը միաժամանակ համաանգլիկան և օրթոդոքս եկեղեցիների մերձեցման ու միության համար գործող վարդապետական հանձնաժողովի անդամներ են:

Երևանի օդանավակայանում հյուրերին դիմավորեցին և բարի գալուստ մաղթեցին Մայր Աթոռի դիվանապետ ու Միջեկեղեցական հարաբերությունների բաժնի վարիչ տ. Արսեն եպիսկոպոս Բերբերյանը, նույն բաժնի ընդհանուր քարտուղար Պարգև Ծաֆրազյանը և հոգևոր ճեմարանի դասախոս Սարգիս սարկավազ Սարգսյանը:

Օգոստոսի 5-ին, ժամը 14-ին, Վեհարանում հարգարժան հյուրերին ընդունեց և բարի գալուստ մաղթեց Ամենայն Հայոց Վեհափառ Հայրապետը: Հայոց Հայրապետի և եպիսկոպոսական եկեղեցու ներկայացուցիչների միջև տեղի ունեցավ սիրալիր գրույց՝ եղբայրական ջերմ մթնոլորտում: Այնուհետև Վեհարանի սեղանատանը, ի պատիվ հյուրերի, տրվեց ճաշկերույթ, որի ընթացքում փոխանակվեցին բաժակա-

ճառեր Նորին Սրբության և հյուր եպիսկոպոսների միջև:

Հայաստանում գտնվելու օրերին մեծարգո հյուրերն այցելեցին սուրբ Մեսրոպ Մաշտոցի անվան Մատենադարան, վերակառուցվող սուրբ Սարգիս եկեղեցի, Ծիծեռնակաբերդի Հայ մահադատակաց հուշարձան, ողևորվեցին Գառնի և սուրբ Գեղարդ վանք, Մայր տաճարի և Հին Վեհարանի թանգարաններում ծանոթացան հայ հին եկեղեցական արվեստի նմուշներին, այցելեցին Էջմիածնի շրջակայքի պատմական տաճարները՝ ս. Հռիփսիմե, ս. Գայանե, և այլ տեսարժան վայրեր:

Օգոստոսի 6-ին, ուրբաթ օրը, ժամը 13-ին, Վեհարանում, հանուն Վեհափառ Հայրապետի, հյուրերին ընդունեց և ողջերթ մաղթեց Արարատյան թեմի առաջնորդական փոխանորդ տ. Կոմիտաս արքեպիսկոպոս Տեր-Ստեփանյանը:

Նույն օրը, ժամը 15-ին, եպիսկոպոսական եկեղեցու ներկայացուցիչները մեկնեցին Թբիլիսի:

Երևանի օդանավակայանում հյուրերին ճանապարհեցին Միջեկեղեցական հարաբերությունների բաժնի ընդհանուր քարտուղար Պարգև Ծաֆրազյանը և Սարգիս սարկավազ Սարգսյանը:

